

Selfossi 26.02.2020

Samráðsgátt stjórnvalda

Mál nr. 26/2020

Tillaga um að færa námslok félagsliða af hæfniprepi 2 á hæfniprep 3

Fræðslunetið kt: 641199-2579 gerir eftirfarandi athugasemdir við ofangreitt mál:

Fræðslunetið hefur um árabíl annast brúarnám fyrir félagsliða um allt Suðurland. Hin síðari ár hefur Fræðslunetið staðið að framkvæmdinni í samvinnu við Miðstöð símenntunar á Suðurnesjum. Í mati nemenda á náminu hefur ríkt mikil ánægja með framkvæmd þess. Fræðslunetið ætlar sér að sinna þessari þjónustu áfram í héraði eins og kostur er. Það má segja að það sé tvennt sem Fræðslunetið hefur áhyggjur af ef námskrárlokum á námi fyrir félagsliða verði breytt eins og fram kemur í tillögunni:

A: Tímarammi sem Fræðslunetið hefur til þess að aðlagast breytingu á námskrá.

B: Útfærsla og hlutdeild framhaldsfræðslunnar í námi samkvæmt nýrri námskrá.

Hvað varðar tímarammann er ljóst að ákvörðun ráðuneytisins liggur ekki fyrir en í mars 2020 og þá eiga bæði framahaldsskólinn og framhaldsfræðslan eftir að smíða námskrár og koma saman yfirlýsingu um einingamat námsleiða. Bara það að skrifa starfsmiðaða námskrá fyrir framhaldsfræðsluna tekur marga mánuði. Því er ljóst að það verður nær ómögulegt fyrir Fræðslunetið að hefja nám fyrir félagsliða haustið 2020 samkvæmt nýrri námskrá. Því er farið fram á að ráðuneytið gefi sanngjarnan og eðlilegan aðlögunrtíma að væntanlegri breytingu þannig að jafnræðis sé að fullu gætt milli allra fræðsluaðila sem bjóða upp á nám fyrir félagsliða.

Hvað varðar útfærslu á því hvernig framhaldsfræðslan kemur til með að sinna námi félagsliða samkvæmt nýrri námskrá er margt óljóst og þarfnast skýringar. Ljóst er á þessu stigi að Fræðslumiðstöð atvinnulífsins hefur ekki boðið upp á nám sem lýkur á þriðja stigi, hvað sem svo síðar verður. Þetta vekur upp ótal spurningar: Hversu stóran hluta námsins getur námsmaður framhaldsfræðslunnar tekið í gegnum símenntunarstöðvar í sínu héraði? Mun nám í félagsliða sem lýkur í símenntunarmiðstöð ekki hafa nein formleg lok? Hvar og hvernig koma félagliðanemar vítt og breitt um landið til með að ljúka námi ef símenntunarstöðin getur ekki útskrifað nemendur af þriðja hæfniprepi? Er hugsanlegt að fólki af landsbyggðinni verði aðeins gefin kostur á námi á höfuðborgarsvæðinu? Í þessu ljósi er farið fram á að ráðuneytið leggi línur um framkvæmd framhaldsfræðslunnar á breyttu félagliðanámi þannig að óvissu sé eytt og ofangreindum spurningum svarað.

Fyrir hönd stjórnar Fræðslunetsins

Eyjólfur Sturlaugsson
framkvæmdastjóri